

瘡瘍經驗全書目錄

第八卷

小兒痘瘡圖說

禁忌十款

方十八

疎痘丹

又方十二

痘始形圖說

痘交會圖說

痘成功圖說

氣血交會圖說

氣血虧盈圖說

二

氣血交會不足圖說

二

保元濟會圖說

二

榮衛相生圖序解

凡三

順逆險三法圖說

二

痘出形症順逆險治例

驗面部順逆險圖



始出圖

圓混圖

形色圖

起發圖

漿行圖

漿足圖

漿老圖

血盡圖

結痂圖

還元圖

痘論

氣血偏勝受傷圖

頂陷圖

倒陷圖

陽毒圖

癰腫圖

疔毒圖

內潰圖

痘疹四字經

氣血順逆篇

保元湯加減

保元湯

保元湯論

水楊湯

水楊湯論

四味升麻湯

十一味木香散

十二味異攻散

六味柴胡湯



四味鼠粘子湯

三味甘結湯

三味消毒散

和解湯

四順清涼飲

解毒湯

大連翹飲

參蘇飲

四君子湯

生脉散

參苓白朮散

朮苓湯

七味肉荳蔻丸

三味穀精散

敗草散

白螺散

金華散

生肌散

滅癰散

四聖丹

痘毒圖

方三



瘡瘍經驗全書卷之八


宋燕山寶漢卿輯著

天都洪瞻巖

桐川陳友恭

圖論方

小兒痘症



小兒痘瘡乃五臟六腑胎養穢液毒氣發於皮肉之間人生無不發者自幼及長必生一次又名曰痘歲瘡胎毒之淺深發痘之稀密具焉其理出於大極隱微之妙非天地至仁之心焉能斡旋此造化之大功乎保養之道蓋不容已也逐一開後以便學者覽焉

痘禁忌要畧

一凡男女欲出痘身體發熱鼻尖及耳并中指冷者要出痘也須要避風爲第一要策若身體發熱則腠理空疎邪風入之而肺主皮毛傷風重者則咳

嗽而風邪鬱於經絡痘多而細并發不出深可慮也

一將卧房內打掃潔淨將門路有風入者卽用紙糊之

一將獨女胭脂揩眼眶則痘不入目

一夫婦及役使之人須要穿潔淨衣服夜亦着衣服而寢須要齋戒以盡誠敬切不可起妄念倘少婦月經來者迴避之

一孝服雞犬面生狐臭之人亦不許入出痘之所亦不宜喧譁



一出痘孩童睡卧切勿驚之以傷其心膽肝三經致有他症

一父母役使之人不宜在痘兒面前搔頭摸耳待其漿足之際謹謹輪流看執其兩手切勿容他抓碎頭額天庭以泄元氣務要小心

一春夏天氣煖熱之時不可有炭火在房若感火氣非壞眼卽成熱疳不可治矣

一夏天出痘宜用薄草薦洒水上用蓆一條卧上週圍再用盆盛水以收暑熱切不宜點蚊煙

一痘後不宜卽與豆腐魚腥肥肉食之以泄脾氣及

後致病

一痘瘡出不透腹痛甚或黑靨者用蟬脫十五枚  
翅足洗淨微火炙爲末每服一錢滾湯調  
可其腹卽不痛而透出乳母亦服之

一山查紅色者取肉爲末湯調下其痘立透

一陷入不起其色黑氣欲絕用穿山甲洗淨炒令黃  
脆爲末每半錢紫蘇煎湯并加酒調服

一倒陷黑色用人中白火煨爲末水調三錢服之年  
大倍加

一初起光壯忽然光陷心煩躁急氣喘妄語如見鬼



神用人牙齒以酒濕紙包煨為末酒下

一神仙透膜湯

痘發不起

紅麴

酒席中染色者南貨店有三錢

紅花

一錢

人參

一錢

穿山甲

炮二錢

蟬脫

一錢

黃芪

一錢五分

白朮

土炒一錢

當歸頭

七分

甘草

五分

肉桂

五分

水一鍾薑棗各三枚大米一撮煎服

一發痘時作瀉

人參

一錢

白朮

土炒一錢半

乾山藥

焙一錢

蓮肉

去心一錢

茯苓

一錢

砂仁

五分

藿香葉

五分

木香

三分

肉桂

五分

蒼朮

三分

肉荳蔻

麴包煨去油一錢



訶子肉 三分

爲末清飯湯調服

一出痘虛弱不能發齊急服人參膏

用上等人參五錢剉片重湯文武火煎膏不拘時  
日夜服之一日夜服一二兩參爲妙以多爲勝

一痘不起

用老雄雞冠上血白酒漿熱調服之

一痘瘡不能脫靨每用乳香薰燒之此味能斂瘡口  
善治穢氣棗子亦可

一痘經月不能脫痂眼亦不能開此積熱在內宜用  
鼠粘子解毒湯治之立瘥



鼠粘子

一錢炒研

當歸

生地

芍藥

酒炒

白朮

防風

荊芥

甘草

黃連

升麻

黃芩

木通

紅花

小柴胡

水一鍾燈心煎服大人倍加

一痘瘡入眼或病後生障翳用蟬蛻洗淨白菊花各等分爲散每二錢入蜜一匙水一鍾食遠服之一

日兩服

又方兔子糞焙乾或末或丸茶清下

又痘入眼痛楚恐傷眼睛用浮萍陰乾爲末每服三



錢隨兒大小以羯羊肝半箇用竹刀切碎搗爛和水取汁調食後服不甚者一錢已生傷目者半服方瘥

一出痘後身體肢節上生癰或生蝕瘡膿水不乾用蠶繭入白礬末填滿炭火燒灰研末乾搽若不早治則潰筋骨以致難治

一痘後生瘡

枯礬

輕粉

雞內金

蛇牀子末

飛丹

硫黃

雄黃

栢末

白螺螄灰

右研末和勻桐油調搽

一痘後口中生疳用咽喉科中冰片散吹之或日久  
腐爛臭氣此散中加入人中白煨銅青枯礬麝香  
一出痘崩裂泄氣已爲危矣用棉紙攤緊麵糊封之  
內服獨參湯三日之內色紅而漿足平安者多矣  
疎痘丹

冬月用活兔殺血大磁盆內陰乾刮下一兩雄黃  
二錢硃砂三錢同研細末用白雄雞冠上血和前  
藥丸如細菜豆大待小兒發熱時與服六七丸則  
出痘稀矣用白酒漿和砂糖湯下擇吉日修合

又方

狗蠅

七枚犬身上能飛者夏月極多冬月藏於耳中以鐏取之焙乾爲末酒調下

此方乃括蒼陳氏一孫三歲出痘發熱七日而見

忽倒靨色黑唇口冰冷諸醫不能治危迫之際有

一士人告云有藥可起因以此調服之移時即紅

潤如常甚秘其方久乃得之

又方

蛇蛻

一條洗淨焙乾

天花粉

各等分

右作細末以羊肝破開入藥在內麻布縛定用米

泔煮熟切片食之凡痘後餘毒上攻目成內障不

辨人物者食此旬日無不愈

又方

未出天花時三四歲者每月初一初二初三或十  
五十六十七日用稿苗上青蟲晒乾末一撮辰砂  
四五分三日吃七八九歲用辰砂一錢餘倍之連  
服三日此痘決少 八月十五日對月剪葫蘆絲  
藤煎湯洗止可夫婦二人餘不見洗

疎痘散

身體發熱時吃

辰砂 一錢

絲瓜蒂 三寸 明殭蠶 七枚

七條去頭  
足酒炒

蟬殼

七枚  
去頭足

右爲末砂糖白酒漿調服

發痘奇方

用蛇蛻一條燒灰存性將白鴿血調和白酒將調

下即發起

神功消毒保嬰丹

纏莖藤

一兩五錢其藤八月間收取毛莖梗纏繞細紅絲者是陰乾此藥為主妙在此藥

黑莖

三十粒

赤莖

七十粒

山查

生地

辰砂

牛旁子

各一兩紙炒

新升麻

連翹

各一錢五分

防風

荊芥

獨活

甘草

當歸

酒洗

赤芍藥

黃連

桔梗

各五錢

絲瓜

二條煨灰



右各爲極細末砂糖拌勻李核大每一丸煎甘草湯化下其前藥預辦完每遇春分秋分正月十五七月十五日脩合勿令厭忌云云向太陽祝藥曰神仙真藥脩合自然嬰兒吞服天地齊年吾奉太上老君急急律令勅七遍

### 疎痘雞子方

冬月養童子雌雞於淨室中飼以米穀不令食毒穢蟲等物守其生卵記取次第自一至七完足以稀網袋盛第一卵投糞厠中

厠中不可有六畜糞

次日乃投

第二卵餘次第如之至第八日則第一卵七晝夜